

PAPURAU BUSNES

19 Ionawr 2000

Rhan 1 – Adran G

Rhybudd o Gynigion a Gwelliannau i'w Trafod yn y Dyfodol

Cynigion a gyflwynwyd ar 12 Ionawr 1999

Andrew Davies (Gorllewin Abertawe) ;

Cynnig bod y Cynulliad,

(a) yn dilyn ystyried y ddau adroddiad gan y Pwyllgor Deddfau yn ymwneud â'r Gorchmynion drafft "Y Gorchmynyn Addysg (Cwricwlwm Cenedlaethol) (Targedau Cyrhaeddiad a Rhaglenni Astudio mewn (Saesneg, Mathemateg, Addysg Gorfforol, Gwyddoniaeth, Cymraeg, Ieithoedd Tramor Modern, Celf, Daearyddiaeth, Hanes, Technoleg, Cerdd) (Cymru) 2000", a osodwyd yn y Swyddfa Gyflwyno ar 15 Rhagfyr 1999; ac

(b) wedi ystyried y Gorchmynion drafft a'r dogfennau cysylltiedig – y rhaglenni astudio a'r targedau cyrhaeddiad (mae copiâu ar gael ar wefan Cynulliad Cenedlaethol Cymru o dan hafan/polisi a gwybodaeth/addysg/adolygiad o'r cwricwlwm cenedlaethol)

(c) yn cymeradwyo gwneud y Gorchmynion yn unol â'r drafftiau a osodwyd yn y Swyddfa Gyflwyno ar 6 Rhagfyr 1999. (**NDM161**)

Andrew Davies (Gorllewin Abertawe) ;

Cynnig bod y Cynulliad;

(a) yn croesawu canlyniad yr adolygiad cyntaf o'r Cwricwlwm Cenedlaethol a oedd yn benodol i Gymru

b) yn cytuno bod ACCAC wedi cyflawni amcanion gwreiddiol yr adolygiad (a osodwyd yn y Swyddfa Gyflwyno ar 11 Ionawr 2000) yn llawn; bod y Cwricwlwm diwygiedig (ceir copi o'r rhaglenni astudio a'r targedau cyrhaeddiad ar wefan Cynulliad Cenedlaethol Cymru o dan

hafan/polisi a gwybodaeth/addysg/adolygiad o'r cwricwlwm cenedlaethol) yn adlewyrchu anghenion arbennig Cymru a phwysigrwydd sicrhau bod pob plentyn yn derbyn addysg eang a chytbwys; bod y rhaglenni astudio newydd a'r targedau cyrhaeddiad yn fwy hylaw i'r athrawon; a bod y cwricwlwm gyda'r fframweithiau newydd ar gyfer Addysg Bersonol a Chymdeithasol ac Addysg sy'n Gysylltiedig â Gwaith yn sicrhau y bydd pobl ifanc wedi'u paratoi yn well ar gyfer y cyfrifoldebau a'r heriau a fydd yn eu hwynebu fel oedolion.
(NDM162)

Andrew Davies (Gorllewin Abertawe) ;

Bod y Cynulliad, gan weithredu o dan adran 46(6) o Ddeddf Llywodraeth Cymru 1998 a Rheol Sefydlog 26 yn cymeradwyo'r adolygiad canlynol i'r Rheolau Sefydlog o 1 Chwefror 2000. **(NDM163)**

Gwelliannau a gyflwynwyd ar 13 Ionawr 2000

NDM161

Cynigiwyd ar wahân gan:

- 1. Jenny Randerson, (Canol Caerdydd)**
- 2. Jonathan Morgan, (Canol De Cymru)**
- 3. Gareth Jones, (Conwy)**

Cynnig bod y Cynulliad yn penderfynu mabwysiadu'r gwelliant canlynol i'r cynnig uchod

Ychwanegu pwynt ychwanegol ar ddiwedd y cynnig ar ôl pwynt (C):

"yn penderfynu y dylai'r cynigion hyn gael eu hail-ystyried yn y dyfodol gan Gynulliad Cenedlaethol Cymru, wrth i anghenion addysgol newid."

Cynigiwyd ar wahân gan:

- 1. Jenny Randerson, (Canol Caerdydd)**
- 2. Jonathan Morgan, (Canol De Cymru)**
- 3. Gareth Jones, (Conwy)**

Cynnig bod y Cynulliad yn penderfynu mabwysiadu'r gwelliant canlynol i'r cynnig uchod

Ychwanegu pwynt ychwanegol ar ddiwedd y cynnig ar ôl pwynt (C):

"o'r farn bod angen darparu canllawiau ysgrifenedig pellach i sicrhau bod bwyd a maetheg yn cael sylw llawn yn y cwricwlwm."

Cynigiwyd ar wahân gan:

1. Jenny Randerson, Canol Caerdydd

2. Jonathan Morgan, Canol De Cymru

3. Gareth Jones, Conwy

Cynnig bod y Cynulliad yn penderfynu mabwysiadu'r gwelliant canlynol i'r cynnig uchod

Ychwanegu pwynt ychwanegol ar ddiwedd y cynnig ar ôl pwynt (C):

"yn gresynu na fydd yn orfodol, yn ôl y cwricwlwm diwygiedig, i astudio iaith dramor fodern hyd at 16 oed."

NDM163

Andrew Davies (Swansea West);

Cynnig bod y Cynulliad yn penderfynu mabwysiadu'r gwelliant canlynol i'r cynnig uchod

Diwygiadau Drafft i'r Rheolau Sefydlog

RHEOL SEFYDLOG 27 – Pwyllgorau Penderfyniadau Cynllunio

Cymhwyso

27.1 Mae'r Rheol Sefydlog hon yn llywodraethu dull y Cynulliad ar gyfer penderfynu sut mae gweithredu mewn cysylltiad â'r canlynol:

(i) Apelau o dan Adran 78 o Ddeddf Cynllunio Gwlad a Thref 1990 (yn yr achosion hynny lle bydd y Cynulliad wedi adfeddiannu awdurdod ar gyfer penderfynu'r apêl oddi wrth yr Arolygydd penodedig;

(ii) Ceisiadau am ganiatâd cynllunio sydd wedi'u galw i mewn gan y Cynulliad ar gyfer penderfyniad o dan Adran 77 o Ddeddf Cynllunio Gwlad a Thref 1990;

(iii) Ceisiadau am gadarnhau Gorchymyn a wnaed o dan Ddeddf Trafnidiaeth a Gwaith 1992.

27.2 Bydd apelau neu geisiadau a gwmpesir gan baragraff 27.1 yn cael eu penderfynu gan Bwyllgor ('Pwyllgor Penderfyniadau Cynllunio') a etholir i'r diben hwnnw o dan y Rheol Sefydlog hon oni bai fod paragraff 27.8 yn berthnasol ac, os felly, caiff y Cynulliad, drwy gynnig, ddirprwyo'r swyddogaeth berthnasol mewn dull gwahanol mewn perthynas â'r apelau neu geisiadau penodol hynny. Pan fydd nifer o apelau neu geisiadau yn destun adroddiad unigol gan Arolygydd, bydd y cynnig sy'n ethol y Pwyllgor Penderfyniadau Cynllunio yn awdurdodi'r Pwyllgor hwnnw i benderfynu'r holl apelau neu geisiadau hynny. Lle bydd yn hwylus gwneud hynny, bydd modd i gynnig awdurdodi Pwyllgor Penderfyniadau Cynllunio i benderfynu mwy nag un apêl neu gais sydd heb fod yn destun i adroddiad unigol gan Arolygydd. Yn y cyfryw achos, mae'r cyfeiriad ym mharagraff 27.16 at lofnodi llythyr penderfynu yn golygu llofnodi'r llythyr penderfynu yn yr holl apelau neu geisiadau y mae wedi'i awdurdodi i'w penderfynu.

Cychwyn y Weithdrefn

27.3 Pan fydd yr Ysgrifennydd Cynulliad sy'n gyfrifol am faterion cynllunio ("yr Ysgrifennydd Cynulliad") yn cael adroddiad yr Arolygydd a benodwyd i ymchwilio i, a gwneud adroddiad ar, apêl neu gais a gwmpesir gan 27.1, bydd yr Ysgrifennydd Cynulliad yn paratoi datganiad ysgrifenedig byr sy'n nodi lleoliad a natur y datblygiad y mae'n gysylltiedig ag ef a threfnu iddo fod ar gael i holl aelodau'r Panel Penderfyniadau Cynllunio ("y Panel") (fel y'i diffinnir yn Atodiad A i'r Rheol Sefydlog hon) ac i Glerc y pwyllgor Cynulliad sy'n gyfrifol am faterion cynllunio ("Clerc y Pwyllgor").

Ethol Pwyllgor

27.4 Cyn pen 10 niwrnod ar ôl i Glerc y Pwyllgor gael y datganiad a baratowyd o dan baragraff 27.3, bydd Clerc y Pwyllgor yn rhoi i Drefnydd y Cynulliad enwau'r pedwar aelod o'r Panel y mae'n ymddangos i Glerc y Pwyllgor eu bod yn gymwys i wasanaethu ar y Pwyllgor Penderfyniadau Cynllunio yn unol ag Atodiad A i'r Rheol Sefydlog hon.

27.5 Bydd y darpariaethau a gynhwysir yn Atodiad A i'r Rheol Sefydlog hon yn dal yn weithredol nes bydd yr etholiad arferol nesaf yn cael ei gynnal ar gyfer aelodau'r Cynulliad, oni bai eu bod yn cael eu diddymu cyn hynny. Cyn gynted ag y bo modd ar ôl cynnal y cyfryw etholiad, bydd Trefnydd y Cynulliad yn cyflwyno i'r Pwyllgor Busnes gynnig am ffurf ar Atodiad A y bwriedir iddi ddal yn weithredol tan yr etholiad arferol wedi hynny a bydd y drefn ar gyfer diwygio Rheolau Sefydlog o dan Reol Sefydlog 26 yn gymwys i'r cynnig.

27.6 Pan fydd Trefnydd y Cynulliad yn cael enwau'r pedwar Aelod o'r Panel a hysbyswyd gan Glerc y Pwyllgor o dan baragraff 27.4, bydd Trefnydd y Cynulliad yn gwneud y canlynol:

i) cyflwyno cynnig yn unol â'r cynnig enghreifftiol a geir yn Atodiad B i'r Rheol Sefydlog hon sy'n gwahodd y Cynulliad i sefydlu Pwyllgor Penderfyniadau Cynllunio ac ethol y pedwar Aelod hwnnw.

ii) rhoi copi o'r cynnig i'r Dirprwy Lywydd ac aelodau'r Pwyllgor Busnes yn syth.

27.7 Bydd unrhyw gynnis a gyflwynir o dan baragraff 27.6 yn cael ei ystyried gan y Cynulliad mewn cyfarfod llawn cyn gynted ag y bo modd, yn amodol ar ofynion Rheol Sefydlog 6.12. Ni fydd modd cynnis gwelliant i'r cyfryw gynnis. Caiff y cynnis ei gynnis ac ar ôl iddo gael ei gynnis, ni fydd yn destun dadl ond bydd pleidlais arno yn syth.

27.8 Os bydd Clerc y Pwyllgor, am unrhyw reswm, heb allu llunio rhestr o bedwar Aelod neu os bydd cynnis a gyflwynir o dan 27.6 (i) yn cael ei drechu, bydd y Trefnydd, cyn gynted ag y bo modd, yn cyflwyno cynnis sy'n cynnis bod y Cynulliad yn dirprwyo, mewn rhyw ffordd arall, y swyddogaeth sy'n berthnasol i wneud y penderfyniad am yr apêl neu'r cais a bydd darpariaethau paragraff 27.6 (ii) a 27.7 yn gymwys i'r cyfryw gynnis ond caniateir gwneud gwelliannau iddo. Bydd y cynnis ac unrhyw welliannau yn cael eu cynnis ac ni fydd dadl ar y cynnis nac ar unrhyw welliannau. Bydd y Llywydd yn penderfynu trefn pleidleisio ar unrhyw welliannau. Os bydd y cyfryw gynnis, wedi'i wella neu beidio, yn cael ei drechu, caiff y swyddogaeth a bennir ynddo ei ddirprwyo i'r Prif Ysgrifennydd.

Cymhwysio Rheol Sefydlog 8

27.9 Ni fydd ond y darpariaethau canlynol yn Rheol Sefydlog 8 yn gymwys i Bwyllgor Penderfyniadau Cynllunio:

i) paragraffau 8.7 i 8.13

ii) paragraffau 8.18 ac 8.19

iii) paragraffau 8.23 ac 8.24

27.10 Er gwaethaf paragraff 27.9, bydd y gofyniad yn Adran 54 o'r Ddeddf, sef bod cydbwysedd y pleidiau yn y Cynulliad yn cael ei adlewyrchu, cyn belled ag y bo'n ymarferol, yn aelodaeth pwyllgor, yn cael ei sicrhau drwy'r dull ar gyfer dethol aelodau Bwyllgor Penderfyniadau Cynllunio arfaethedig a nodir yn Atodiad A i'r Rheol Sefydlog hon.

Ystyried gan Bwyllgor Penderfyniadau Cynllunio

27.11 Dylid adnabod pob Pwyllgor Penderfyniadau Cynllunio drwy gyfeirnod sy'n cynnwys blwyddyn ei ethol a rhif cyfresol.

27.12 Yr Ysgrifennydd Cynulliad fydd Cadeirydd y Pwyllgor, os yw'n aelod o Bwyllgor

Penderfyniadau Cynllunio. Os nad yw'r Ysgrifennydd Cynulliad yn aelod o'r Pwyllgor, rhaid i'r Cadeirydd gael ei (h)ethol gan aelodau'r Pwyllgor neu, os na fydd aelodau'r Pwyllgor yn gallu dod i gytundeb, rhaid iddo/iddi gael ei (h)enwebu i weithredu gan Gadeirydd y Pwyllgor sy'n gyfrifol am faterion cynllunio.

27.13 Caiff y Cadeirydd bleidleisio, ac os bydd pleidlais gyfartal caiff, ar ben hynny, arfer pleidlais fwrw, fel y barno'n ddoeth.

27.14 Bydd Pwyllgor Penderfyniadau Cynllunio yn cyfarfod yn breifat a bydd ei aelodau o dan ddyletswydd i gadw cyfrinachedd unrhyw drafodaeth gan y Pwyllgor ac unrhyw ddogfennau sy'n cael eu hystyried gan y Pwyllgor heblaw llythyr penderfyniad Pwyllgor ar ôl iddo gael ei fabwysiadu ynghyd ag unrhyw ddogfennau y mae'n cyfeirio atynt.

27.15 Caiff y Pwyllgor gofyn i aelodau o staff y Cynulliad fod yn bresennol yn eu cyfarfodydd i'r dibenion canlynol:

- i) cael cyngor ganddynt;
- ii) paratoi llythyr penderfyniad drafft sy'n rhoi rhesymau dros eu penderfyniad;
- iii) cofnodi penderfyniadau'r Pwyllgor.

27.16 Bydd swyddogaethau'r Pwyllgor yn peidio pan fydd y Cadeirydd yn llofnodi llythyr penderfyniad y mae'r Pwyllgor wedi penderfynu ei fabwysiadu. Lle na fydd llythyr penderfyniad wedi'i lofnodi ar neu cyn y dyddiad a bennir yn y cynnig a wnaeth sefydlu'r Pwyllgor, bydd y Pwyllgor yn peidio â bod. Fel arall, bydd y Pwyllgor yn peidio â bod pan fydd y Cadeirydd yn llofnodi'r llythyr penderfynu.

Rheol Sefydlog 27

Atodiad A

Amodau ar gyfer Aelodaeth o'r Panel Penderfyniadau Cynllunio

1. Yr Aelodau Cynulliad sy'n Aelodau o'r Panel Penderfyniadau Cynllunio yw'r rhai :

- a) sy'n aelodau o'r Pwyllgor Cynulliad sy'n gyfrifol am faterion cynllunio;
- b) sydd wedi gorffen cwrs hyfforddiant perthnasol a gymeradwyir gan Gadeirydd y Pwyllgor Cynulliad sy'n gyfrifol am faterion cynllunio; ac
- c) sydd wedi cytuno i gael eu rhwymo gan y Côt Ymddygiad cyfredol a gyhoeddir gan y Llywydd ar gyfer aelodau Pwyllgorau Cynllunio.

2. Bydd Aelod o'r Panel yn cael ei ddatgymhwyso rhag bod yn aelod o Bwyllgor Penderfyniadau Cynllunio penodol os bydd:

- a) safle'r datblygiad y mae'r apêl neu'r cais yn gysylltiedig ag ef i'w gael yn llwyr neu'n

rhannol yn etholaeth neu ranbarth etholiadol yr aelod hwnnw; neu

b) yr Aelod â buddiant yn nhestun yr apêl neu'r cais y byddai'n ofynnol iddo neu iddi, petai'n cymryd rhan yng ngweithredoedd y Pwyllgor, ei ddatgan o dan Reol Sefydlog 4.5 neu a fyddai'n rhwystro'r Aelod rhag pleidleisio ar y testun hwnnw o dan Reol Sefydlog 4.7; neu

c) amgylchiadau eraill (fel y'u nodir yn y Côt Ymddygiad y cyfeirir ato ym mharagraff 1(c) uchod) y gellid eu hystyried yn rhywbeth a fyddai'n codi amheuon ynglyn â gallu'r Aelod i ystyried yr apêl neu'r cais yn wrthrychol ac yn ddiuedd.

Cydbwysedd y Pleidiau

3. Er mwyn sicrhau cydymffurfio â Rheol Sefydlog 27.10, bydd Clerc y Pwyllgor yn cadw rhestrau ar wahân (yn nhrefn yr wyddor os bydd rhestr yn cynnwys mwy nag un person) o aelodau'r Panel yn unol â'r grwpiau gwleidyddol y maent yn aelodau ohonynt, fel a ganlyn:

Rhestr A Y Blaid Lafur

Rhestr B Plaid Cymru

Rhestr C Y Blaid Geidwadol

Rhestr D Plaid y Democratiaid Rhyddfrydol

4. Pan fydd Clerc y Pwyllgor yn cael hysbysiad o dan Reol Sefydlog 27.3, bydd Clerc y Pwyllgor yn paratoi rhestr amodol o aelodau o'r Panel Penderfyniadau Cynllunio, a'r Ysgrifennydd Cynulliad yn un ohonynt, fydd yn cynnwys dau aelod o Restr A, un aelod o Restr B ac aelod o naill ai Restr C neu Restr D.

5. Wrth ddethol yr aelod (heblaw'r Ysgrifennydd Cynulliad) o Restr A neu o Restr B bydd Clerc y Pwyllgor yn dethol enwau yn gylchredol ond bod aelod a fyddai wedi gwasanaethu ar Bwyllgor Penderfyniadau Cynllunio ond a ddatgymhwyswyd rhag gwneud hynny neu a oedd fel arall heb allu gwasanaethu, yn cael ei drin fel yr aelod nesaf sydd i'w ddethol o'r yr rhestr honno.

6. Wrth ddethol yr aelod o naill ai Restr C neu D bydd Clerc y Pwyllgor yn dethol aelodau o'r ddwy restr bob yn ail, gan ddechrau gyda Rhestr C.

7. Bydd Clerc y Pwyllgor yn hysbysu pob aelod y mae ei enw yn ymddangos ar restr dros dro o aelodau Pwyllgor Penderfyniadau Cynllunio, gan dynnu sylw at yr apêl neu'r cais sy'n berthnasol.

8. Bydd pob un o'r aelodau a hysbysir, ar ôl edrych ar y datganiad a geir o dan baragraff 27.3, yn hysbysu Clerc y Pwyllgor wedyn, cyn pen dau ddiwrnod gwaith, a yw'r aelod hwnnw wedi'i ddatgymhwyso o dan baragraff 2 uchod rhag gwasanaethu ar y Pwyllgor, neu a yw heb allu gwasanaethu fel arall, ac yn yr achos hwnnw bydd Clerc y Pwyllgor (yn amodol ar baragraff 10 isod) yn dethol enw'r aelod nesaf o'r un rhestr (neu, yn achos

Rhestru C a D, enw'r aelod o'r rhestr arall) a hysbysu'r aelod hwnnw yn unol â pharagraff 7 uchod.

9. Os yw'r ddau aelod o restru C a D wedi'u datgymhwyso neu fel arall heb allu gwasanaethu, bydd Clerc y Pwyllgor yn dethol aelod ychwanegol o Restr B.

10. Os bydd yr Ysgrifennydd Cynulliad wedi'i ddatgymhwyso neu fel arall heb allu gwasanaethu bydd Clerc y Pwyllgor yn dethol Cadeirydd y Pwyllgor Cynulliad sy'n gyfrifol am faterion cynllunio cyn unrhyw aelod arall sy'n ymddangos ar yr un Rhestr.

11. Pan fydd Clerc y Pwyllgor wedi llunio rhestr o 4 Aelod sydd heb eu datgymhwyso neu fel arall heb allu gwasanaethu, bydd Clerc y Pwyllgor yn hysbysu Trefnydd y Cynulliad o dan baragraff 27.4.

12. Os bydd Clerc y Pwyllgor, am unrhyw reswm, heb allu llunio'r cyfryw restr o 4 Aelod, bydd Clerc y Pwyllgor yn hysbysu Trefnydd y Cynulliad am y ffaith honno a'r rhesymau drosti.

Rheol Sefydlog 27

Atodiad B

Cynnig Enghreifftiol sy'n Sefydlu Pwyllgor Penderfyniadau Cynllunio

Penderfynir y canlynol:

1. Bydd pwyllgor, a adweinir fel Pwyllgor Penderfyniadau Cynllunio 1999/1, yn cael ei sefydlu, yn unol â Rheol Sefydlog 27, i gyflawni swyddogaethau'r Cynulliad o dan (*Adran 77 o Ddeddf Cynllunio Gwlad a Thref 1990 neu yn ôl y galw*) mewn perthynas â'r mater(ion) a nodir yn yr Atodlen i'r cynnig hwn a bydd swyddogaethau'r Cynulliad yn hynny o beth yn cael eu dirprwyo i'r Pwyllgor hwnnw.

2. Dyma fydd aelodau'r Pwyllgor hwnnw:
AB (Cadeirydd)

CD

EF

GH

3. Bydd y Pwyllgor yn peidio â bod pan fydd Cadeirydd y Pwyllgor yn llofnodi'r llythyr penderfynu yn unol â Rheol Sefydlog 27.16 neu ar

(dyddiad), pa un bynnag a ddaw gyntaf.

4. Os bydd y Pwyllgor yn peidio â bod heb i'r Cadeirydd fod wedi llofnodi llythyr penderfynu mewn perthynas â'r (*cyfan o'r*) mater(ion) a nodir yn yr Atodlen i'r cynnig hwn, bydd y swyddogaethau a nodir ym mharagraff 1 uchod yn cael eu dirprwyo i'r Prif Ysgrifennydd mewn perthynas â'r cyfryw fater(ion).

Atodlen

Cais gan X am ganiatâd i wneud datblygiad yn Y, sef ...

Gwelliannau a gyflwynwyd ar 14 Ionawr 2000

Cynigiwyd ar wahân gan:

Gareth Jones, Conwy

Jenny Randerson, Canol Caerdydd

Cynnig bod y Cynulliad yn penderfynu mabwysiadu'r gwelliant canlynol i'r cynnig uchod

Ychwanegu pwynt ar ddiwedd y cynnig

"Yn darparu cefnogaeth ariannol ddigonol ar gyfer hyfforddiant i sicrhau gweithredu'r cynigion hyn yn llawn." **(NDM162)**